

Los pueblos deciden

Les elecciones al Parllamentu Européu prodúcense nuna situación marcada pola fonda crisis del sistema económicu capitalista. Los comicios del 25 de mayu van tener llugar nun contestu de programes de retayos de servicios públicos y d'abolición de derechos sociales que faen que millones de presones s'enfrenten al desemplegu, la desfiucia, la precariedad, l'emprobecimientu y la esclusión social.

La crisis económica foi la escusa perfecta pa vaciar, ainda más, de llexitimidá democrático a la Xunióu Europea. Al poder abusivu qu'exercieron tradicionalmente'l Conseyu y la Comisión Europea hai d'amesta-y güei el control per parte de la Troika de los principales programes públicos.

Los gobiernos europeos, que nun duldaron en rescatar a los banqueros por cuenta del erariu públicu, procedieron coles mesmes, n'ares de la llamada política d'austeridá, a acelerar les midíes de retayu de programes públicos, de privatizaciones del sistema sanitariu, d'enseñu, de servicios sociales y a la precarización de les condiciones llaborales.

Nesti contestu d'aumentu del desemplegu, de preslle o de desllocalización d'empresas, de llimitación de la capacidá productiva de los pueblos, d'amenorgamientu de los servicios públicos, y de normes ca vuelta más restrictives pa torgar la llibre espresión del maltar de la ciudadanía, les iniciatives de corte xenófobu y racista, asina comu los postulaos ultra-conservadores espárdense pelligrosamente na sociedad y entren con fuerzia nel escenariu políticu y elleutoral.

La progresible desafeición de la ciudadanía escontra un modelu políticu que nun afaya espacios de participación so-

cial y ainda menos d'empoderamientu, favoreció la penetración de los idegales ultra-drechistes nos programes d'estremaos gobiernos y de la mesma XE. La política escontra l'asilu políticu y frente a la imigración ye un esponente d'esta situación y, yá que sal, la meyor aliada d'unos partíos qu'aspiren a convertirse nos grandes protagonistas de les elecciones europees de mayu.

Nesti contestu de grave involución democrático les elecciones europees plantegen numerosos dilemes pa los independentistes y soberanistas d'izquierda. Les formaciones que participamos de la candidatura "Los Pueblos Deciden", atalantamos qu'esas elecciones son un escenariu más de llucha pa combatir los planes de la Troika y en xeneral la deriva d'una XE que se pliega a los intereses de les corporaciones capitalistes mentes desfiucia de derechos a la clas trabajadora.

Consideramos que nel contestu d'anguañu más que nunca l'impulsu decidió a la soberanía de los nuestos pueblos ye la única manera p'avanzar escontra un modelu de sociedad xustu ya igualitariu.

La refuga a esti modelu oblígamos a trabayar en favor d'alternatives riales, pa construir una allianza continental que nun respuenda al mandatu de los mercaos sinón a les necesidaes de les presones y a la voluntá de los pueblos. **Defendemos un programa de midíes que, no inmediatu, atenúe los devastadores efeutos de les polítiques d'austeridá y dea salida a l'acuciosa situación d'emergencia social. Ello nun tien de torgar el plantegar l'alderique social y políticu sobro custiones estratéxiques comu la propiedá de la Banca y otros seutores estratéxicos, güei en manes de *transnacionales.**

No que cinca al Estáu español, atantamos que'l modelu emanáu de la mal llamada Transición entró en crisis. Dende la llexitimidad hestórica que mos da'l tener denunciao dende l'entamu un Réxime encimentáu na esmemoria hestórica, la preservación de los privilexos de les élites económiques, la persecución de la disidencia política y la corrupción sistémica, proclamamos la nuesa voluntá de faer oyer n'Europa la voz de les naciones primies, asina comu de los seutores ca vuelta más mayoritarios de la ciudadanía que güei lluchen al traviés de movimientos sindicales y sociales en favor de los derechos más elementales ente los que cabe señalar el drechu al trabayu dighu nel mesmu país, a la vivienda, a la sanidá o a la educación.

Somos fuerces soberanistes o independentistes d'izquierda y dende la defensa clara del drechu a l'autodeterminación de los pueblos y el nuesu compromisu cola superanza del modelu sociu-económico que rixe na Xuniún Europea basamos la nuesa alianza nos compromisos que vienen darréu:

- Dicimos sí a la Xusticia Social:

L'españú de la burbuja de la especulación financiera foi responsidú pola XE, la Troika y los gobiernos europeos con polítiques de rescate de los bancos y de lliquidación del llamáu "estáu de bientar". Proclamamos el nuesu determinu de combatir un modelu que ye sinónimu de precariedad llaboral y retayu xeneralizáu de derechos sociales que castiga a les clases trabayadores y a los seutores más vulnerables de la sociedad. Les formaciones que sofítamos esti sopelexu comprometemos a da-y puxu a l'aición política y la movilización popular pa frenar tales propósitos. Desiximos de manera espresa l'auditoría de la delda, tantu públicu comu privao, y proponemos l'impagu de la delda illexítimu. D'igual miente defendemos la istauración d'una renta básica europea.

- Dicimos non a la Europa del capital. Abogamos por un procesu destituyente de l'actual XE comu pasu imprescindible escontra l'apertura d'un procesu constituyente de la Europa de la ciudadanía y los pueblos. Defendemos el drechu de les nueses naciones a algamar la plena soberanía pa, ente otres coses, poder decidir sobro'l so apautamientu o non nel futuru a la Xuniún Europea o a la Xuniún Monetaria. Tamos escontra la OTAN comu espresión militar del imperialismu y escontra l'Euroexércitu. Tamos pola defensa del territoriu, escontra la especulación y el deterioru del mediu ambiente, que son causa de miseria pa millones de presones. Abogamos pola soberanía alimentaria y la preeminencia del bien colleutivu frente al interés priváu. **Defendemos la garantía efeutiva del drechu a la salud, a la educación, a l'asistencia social, a la cultura y a la vivienda pal conxuntu de presones d'Europa.**

- Dicimos sí a los procesos soberanistes y/o independentistes n'Europa y el mundiu. Sofítamos los procesos independentistes que se dan a nivel européu – referendums n'Escocia y Catalunya – y coles mesmes espresamos la nuesa solidaridá colos procesos emancipatorios en Llatinoamérica, sigún la heroica llucha de los pueblos palestín y saharagüi, o los procesos pa la solución negociada de los conflictos en Kurdistán o Colombia. Dende una clara vocación internacionalista, sofítamos les lluches de tolos pueblos del mundiu pola so llibertá y la so dignidá. Nesti sen, "Los Pueblos Deciden" espresa'l so compromisu inequívocu con un modelu de sociedad que dea puxu a la cultura de la paz, la coperación y la solidaridá internacionalista.

- Dicimos non a la uniformización cultural y llingüística provocada pola globalización neolliberal y

afalada poles polítiques centralistes de los estaos. Vamos defender un marcu que garantice l'efeutivu exerciciu de los drechos llingüísticos y la diversidá cultural de los pueblos. **D'igual manera defendemos la soberanía de los pueblos na información y la comunicación.**

- **Dicimos sí a les llibertaes democrátiques plenes.** L'Estáu español conságrase, al calor de la cris, a una política recentralizadora y d'uniformización, al empar que promueve midíes destinaes a llindar les llibertaes públiques y los drechos civiles. La treme xurídico-política aniciada na Transición convirtió al Estáu nuna cárcele de pueblos. Comprometémolos a amestar fuerces pa dar puxu a un escenariu de llibertaes democrátiques plenes.

- **Dicimos non a la discriminación de xéneru.** Pero non comu un meru enunciáu formal, sinón comu una desixencia normativa, xurídica y práutica que garantice la igualdá rial y la fin de toa dis-

criminación. Lo que desixe midíes integrales pa **decostruyir una rialidá marcada pol patriarcáu**, atayar la violencia sesista, y en particular pa garantizar el drechu rial a decidir de les muyeres sobre'l so cuerpu, la so sesualidá y la so capacidá reproductiva. Denunciamos espresamente la llexislación pa restrinxir el drechu del albuertu adoptada nel Estáu español.

- **Dicimos sí a la igualdá** que combata toa triba de discriminación per razón d'orixe, raza, relixón, idioloxía, orientación sexual, pertenencia cultural, capacidaes distintes, ...

- **Dicimos non al facismu y al racismu.** Vamos lluchar escontra les polítiques imigratorias criminales que provocaron miles de muertes nes fronteres de la Europa-fortaleza y que dan puxu al racismu. Asina mesmo, vamos trabayar pa esmazcarar a la ultra-drecha, comu ferramienta del sistema y les sos élites pa perpetuar les desigualdaes.

